

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog konkurentskog zahtjeva za dostavu ponuda, broj: 05.12.100-2058-1/18 od 23.03.2018.godine, te Odluka o izboru najpovoljnijeg ponuđača Direktorice J.U. Zavoda za javno zdravstvo Kantona Sarajevo, broj: 05.12.100-2058-Odluka o izboru/18 od 06.04.2018. godine, kojom je prihvaćena Ponuda ponuđača „Librag“ d.o.o. Sarajevo, kao najpovoljnija i kojom se ponuđaču „Librag“ d.o.o. Sarajevo dodjeljuje Okvirni sporazum za nabavku usluge **PRANJA I PEGLANJA RADNE ODJEĆE** za potrebe J.U. Zavoda za javno zdravstvo Kantona Sarajevo, zaključuje se slijedeći:

### **OKVIRNI SPORAZUM O PRUŽANJU USLUGA PRANJA I PEGLANJA RADNE ODJEĆE**

#### **Između:**

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Mr.sc. Salih Mešić, Specijalista epidemiolog, v.d. direktor (u daljem tekstu: Ugovorni organ)

i

**„LIBRAG“ d.o.o. SARAJEVO**, ulica Sagrdžije br.73, identifikacioni broj: 4200299860004, koga zastupa Jasminka Karahasanović građ.ing., direktor, (u daljem tekstu: Izvršilac), zaključili su:

#### **Član 1.**

Ovim Okvirnim sporazumom utvrđuje se način i uslovi pod kojima "Librag" d.o.o. (Izvršilac) Sarajevo, izvršava usluge sukcesivnog pranja i peglanja radne odjeće za potrebe Zavoda, sve prema Ponudi Izvršioca broj: LB-049/18 od 27.03.2018.godine.

#### **Član 2.**

Predmet ovog Okvirnog sporazuma je vršenje usluga sukcesivnog pranja i peglanja radne odjeće za potrebe Ugovornog organa (u daljem tekstu: usluge), a prema cijenama koje je Izvršilac usluga ponudio u Obrascu za cijenu ponude (Anex III).

Izvršilac se obavezuje da cijene navedene u specifikacijama neće mijenjati u period od jedne godine od dana zaključivanja Okvirnog sporazuma.

Usluge iz ovog Okvirnog sporazuma Ugovorni organ nabavlja za obavljanje svoje djelatnosti.

#### **Član 3.**

Plaćanje usluga vrši se po fakturi Izvršioca, nakon izvršene usluge.

Ugovorni organ se obavezuje platiti Izvršiocu ugovorenu cijenu, u roku od 30 (trideset) dana od dana dobijanja fakture od strane Izvršioca.

U obim usluga iz člana 2. ovog Okvirnog sporazuma podrazumijevaju se usluge po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).

Ukupna vrijednost Okvirnog sporazuma iznosi 8.066,00 KM bez PDV-a.

#### **Član 4.**

Izvršilac se obavezuje da usluge iz člana 2. ovog Okvirnog sporazuma izvrši u roku koje utvrdi Ugovorni organ.

Izvršilac se obavezuje, u roku od 24 sata, pismeno obavijestiti Ugovorni organ u slučaju da nije u mogućnosti ispoštovati rok iz prethodnog stava.

#### **Član 5.**

Izvršilac se obavezuje Ugovornom organu preuzimati i dostavljati radnu odjeću na jednoj od sljedećih adresa, a koje odredi naknadno ugovorni organ:

- Prostorije J.U. Zavoda za javno zdravstvo Kantona Sarajevo - ul. Dr. Mustafe Pintola 1/III;

- Prostorije Zavoda u ulici Avdage Šahinagića br. 10;

- Prostorije Zavoda u ulici Vrazova br. 11.

Izvođač se snosi odgovornost u slučaju oštećenja i gubitka preuzete radne odjeće te se obavezuje da Ugovornom organu nadonadi prouzrokovanu štetu.

#### Član 6.

Ugovorne strane mogu otkazati ovaj Okvirni sporazum pismenim putem.

Okvirni sporazum se smatra otkazanim u roku od 30 dana od dana prijema pismenog Obavještenja o otkazu sporazuma.

#### Član 7.

Ugovorni organ će na osnovu ovog sporazuma sklapati pojedinačne ugovore o javnoj nabavci, do visine ukupne vrijednosti ovog Okvirnog sporazuma.

Svaka promjena ugovornih odredbi povlači za sobom sačinjavanje posebnog Aneksa ugovora. Do potpisivanja Aneksa Okvirnog sporazuma obustavlja se izvršenje ugovornih obaveza.

#### Član 8.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješenje spora mjesno je nadležan Sud u Sarajevu.

#### Član 9.

Okvirni sporazum je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

#### Član 10.

Ovaj Okvirni sporazum smatra se zaključenim danom potpisivanja Ugovornih strana, a primjenjuje se u periodu od najduže jedne godine od dana zaključenja Okvirnog sporazuma ili do isteka otkaznog roka iz člana 6. ovog Ugovora.


DIREKTOR



Jasminka Karahasanović grad.ing

Broj: LB-060/18

Sarajevo, 20.04.18. godine



J.U. ZAVOD ZA JAVNO ZDRAVSTVO

KANTONA SARAJEVO

VD. DIREKTOR

Mr.sc. Salih Mešić, dr.med.

Specijalista epidemiolog

Broj: 05.14.111-2058- Okvirni sporazum/18

Sarajevo, 20.04.2018. godine.